

# ԼՂԻՄ-Ի ԴՐՈՒԹՅԱՆ ՄԱՍԻՆ

Վերջին օրերին Լեոնային Ղարաբաղի Ինքնավար Մարզում իրադրությունը ընդհանուր առմամբ չի փոխվել: Մարդիկ դարձյալ չեն գնում իրենց աշխատատեղերը:

Հունիսի 4-ի երեկոյան մարզի կենտրոնի Հաղթանակի հրապարակում տեղի ունեցավ քաղաքի աշխատավորների հերթական միտինգ: Մարդիկ միտինգի էին եկել տրանսպորանտներով, որոնց վրա գըրված էր. «Ղարաբաղցիները ազատություն են պահանջում», «Միացում, միայն միացում»: Նրանք քերել էին նաև ուրիշ լոզունգներ, Ֆայկական ազգային խորհրդանշանը համդիսացող եռագույն դրոշմեր:

Միտինգը բացեց երկրամասում հայտնի մանկագիր Գորգեն Գաբրիելյանը: Ելույթ ունեցան Ստեփանակերտի Մ. Գորկու անվան հայկական պետական դրամատիկական թատրոնի դիրեկտոր Աշոտ Ստեփանյանը, Ղարաբաղի մետաքսի կոմբինատի կուսկազ-

մակերպության քարտուղար Ռոբերտ Քոչարյանը, աշխատանքի վետերան Իշխան Ավետիսյանը, կուսակցության քաղաքային կոմիտեի քարտուղար Հասմիկ Միքայելյանը և ուրիշներ: Նրանք նշեցին, որ ԽՍՀՄ ժողովրդական դեպուտատների համագումարում մի շարք ելույթներ տողորված են լնացման ժամանակների գաղափարներով, ինչը լուրջ մտահոգություն է պատճառում վերակառուցման կողմնակիցներին: Նրանք սյն միտքը հայտնեցին, որ Ղարաբաղի պրոքլեմը կարող է լուծվել միայն ազգամիջյան հարաբերությունների հարցերում մոր մտածողության հաղթանակի, հասարակական կյանքի հետագա դեմոկրատացման շնորհիվ: Միտինգի մասնակիցները հույս հայտնեցին, որ համագումարում հակավերակառուցողական ուժերի դեմ հուսալի պատմեշ կրկանգնեցվի: Նրանք միևնույն ժամանակ բնակչությանը կոչ

արեցին առաջվա պես պահպանել հանգստություն և տոկունություն, չենթարկվել հնարավոր պրովոկացիաներին:

Հունիսի 5-ին Ստեփանակերտում և մարզում իրավիճակը մնում էր նախկինը: Ծառերի կարծիքով, ՏԱՍՍ-ի վերջին հաղորդագրության մեջ այդ իրավիճակը չափից ավելի է դրամատիկացված: Երկրամասի բնակիչները սրտի ցավով ընդունեցին Բաշկիրիայի տարածքում տեղի ունեցած սոսկալի ողբերգության լուրը: Նրանք պատրաստակամություն հայտնեցին ուժերի ներածի չափ օգնություն ցույց տալ տուժածների ընտանիքներին:

Ինքնավար մարզում համեմատաբար անդորր է տիրում: Մարդիկ անհամբերությամբ են սպասում համագումարում իրենց դեպուտատի ելույթին:

Ա. ԳՐԻԳՈՐՅԱՆ

(Արմենպրեսի սեփ. թղթ.)

Ստեփանակերտ